


Poslanica u Predstavničkom domu
Parlamentarne skupštine Bosne i Hercegovine
Sarajevo, 2. 10. 2020.

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 02-10-2020			
Organizaciona jedinica	Klasifikaciona oznaka	Redni broj	Broj priloga
01	50-1	1934	20

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r Nebojša Radmanović, predsjedavajući

PREDMET: Poslanička inicijativa

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

INICIJATIVU

Zadužuje se Vijeće ministara BiH da izmjeni član 12a Zakona o državljanstvu na način da se ne zahtijeva odricanje od državljanstva zemalja koje su promijenile svoje zakonodavstvo i dozvoljavaju višestruko državljanstvo (Danska, Norveška, Luksemburg, Češka i druge) ili da se hitno sa ovih zemljama zaključi bilateralni sporazum.

O b r a z l o ž e n j e


Članom 12a Zakona o državljanstvu predviđen je olakšani prijem bivših državljana Bosne i Hercegovine koji su se radi sticanja stranog državljanstva morali odreći državljanstva Bosne i Hercegovine.

Bosna i Hercegovina je zaključila samo tri bilateralna sporazuma i to sa Srbijom 2003. godine, Švedskom 2006. godine i Hrvatskom 2011. godine, tako da benefite ovog člana mogu koristiti samo državljani ove tri zemlje koji vraćaju svoje državljanstvo stečeno po porijeklu.

Evropska konvencija o državljanstvu omogućava i preporučuje liberalizaciju po pitanju državljanstva usljed ogromnih migracija stanovništva, sklapanja brakova između različitih državljana, sve većeg broja djece rođene u ovoj vrsti mješovitih brakova, ali i zbog izbjeglica koji nisu svojom voljom napustili svoju matičnu državu, te zbog očuvanja tradicionalnih, emotivnih, ali i imovinskih veza postoji želja i potreba za održavanje veze sa svojom matičnom zemljom.

Gradani bh porijekla, koji su usljed ratnih djelovanja devedesetih, a kasnije zbog ekonomskih razloga napustili BiH su se do određene godine morali odreći bosanskog državljanstva kako bi stekli bilo kakav status u državi u kojoj su se nastanili, te bili u mogućnosti da riješe svoja egzistencijalna pitanja i osiguraju sredstva za sebe i preživljavanje svoje porodice. BH građani koji danas odlaze i nastanjuju se u ovim zemljama (obzirom na promjenu zakonodavstva ovih zemalja) ne moraju se odreći bh državljanstva, odnosno dozvoljeno im je da imaju dvojno državljanstvo. U tom smislu, postoji diskriminacija naših bh državljana po porijeklu, jer oni koji su se već odrekli bh državljanstva i žele ga vratiti prema članu 12a Zakona o državljanstvu mogu vratiti svoje originarno državljanstvo jedino ako se odreknu stečenog državljanstva strane zemlje ukoliko nemamo bilateralni sporazum s tom zemljom. Obzirom da se radi o građanima starije dobi to znači da bi se odricanjem državljanstva druge zemlje morali odreći i svih stečenih prava u drugoj zemlji (kao što su penzije, zdravstvo isl.), a njihova najveća želja jeste da povrate državljanstvo svoje matične države.

Stoga, kako bi se otklonila diskriminacija potrebno je hitno zaključiti bilateralne sporazume sa zemljama koje sada dozvoljavaju višestruko državljanstvo ili pristupiti izmjenama člana 12a Zakona o državljanstvu.


Poslanica
Edita Dapo